

第五三〇册

博物彙編

禽蟲典

蛇部

蛇部

蜈蚣部

蚰蜒部

部

水唐部

蝦蟇部

部

電部

蚤部

蛆部

蚯蚓部

蟒部

蜥蜴部

馬陸部

短狐部

蠅螬部

田父部

山蛤部

溪狗

蠃部

蟻部

蚋螻部

(卷)

一三

一三

一四

一五

一六

一七

一八

一九

二〇

二一

二二

二三

蠱部

蛇蟲部

蜚蠊部

風驢肚

內蟲部

弓部

九香蟲部

蛄

蠟部

玃蟲部

地膽部

蠃蟲

部

水蛭部

水蛆部

沙蟲部

砂援

子部

雜蟲部

異蟲部

(卷)

一九

二二

古今圖書集成

中華書局影印

古今圖書集成

卷一百一十五

卷一百一十五	目錄
一	詩經
二	書經
三	禮記
四	春秋
五	易經
六	周禮
七	儀禮
八	禮記
九	春秋
十	易經
十一	周禮
十二	儀禮
十三	禮記
十四	春秋
十五	易經
十六	周禮
十七	儀禮
十八	禮記
十九	春秋
二十	易經
二十一	周禮
二十二	儀禮
二十三	禮記
二十四	春秋
二十五	易經
二十六	周禮
二十七	儀禮
二十八	禮記
二十九	春秋
三十	易經
三十一	周禮
三十二	儀禮
三十三	禮記
三十四	春秋
三十五	易經
三十六	周禮
三十七	儀禮
三十八	禮記
三十九	春秋
四十	易經
四十一	周禮
四十二	儀禮
四十三	禮記
四十四	春秋
四十五	易經
四十六	周禮
四十七	儀禮
四十八	禮記
四十九	春秋
五十	易經
五十一	周禮
五十二	儀禮
五十三	禮記
五十四	春秋
五十五	易經
五十六	周禮
五十七	儀禮
五十八	禮記
五十九	春秋
六十	易經
六十一	周禮
六十二	儀禮
六十三	禮記
六十四	春秋
六十五	易經
六十六	周禮
六十七	儀禮
六十八	禮記
六十九	春秋
七十	易經
七十一	周禮
七十二	儀禮
七十三	禮記
七十四	春秋
七十五	易經
七十六	周禮
七十七	儀禮
七十八	禮記
七十九	春秋
八十	易經
八十一	周禮
八十二	儀禮
八十三	禮記
八十四	春秋
八十五	易經
八十六	周禮
八十七	儀禮
八十八	禮記
八十九	春秋
九十	易經
九十一	周禮
九十二	儀禮
九十三	禮記
九十四	春秋
九十五	易經
九十六	周禮
九十七	儀禮
九十八	禮記
九十九	春秋
一百	易經

欽定古今圖書集成博物彙編禽蟲典
第一百八十二卷目錄

蛇部紀事

禽蟲典第一百八十二卷

蛇部紀事

史記三皇本紀伏羲氏蛇身人首女媧氏亦蛇身人首

雲笈七籤黃帝至圍丘其國有不死樹食其子與葉人皆不死有丹糝之泉飲之而壽有巨蛇害人黃帝以雄黃卻逐之其蛇畱一時而返

論衡吉驗篇洪水滔天地龍爲害堯使禹治水驅地龍水治東流蛇龍落處

山海經中山經浮戲之山汜水出焉而北流注於河其東有谷因名曰蛇谷注言此中出蛇

汲冢周書王會解獸人蟬蛇蟬蛇順食之美注東越獸人也北交州蛇特多爲上珍也

穆天子傳季冬甲戌天子東遊飲於畱祈射於麗虎讀書於勃丘口獻酒於天子乃奏廣樂天子遺其靈鼓乃化爲黃蛇

史記秦本紀十年初爲鄜時注文公夢黃蛇自天而下屬之地止於鄜衍史敦以爲神故自此立時

左傳莊公十四年鄭厲公自櫟侵鄭及大陵獲傅瑕傅瑕曰苟舍我吾請納君與之盟而赦之六月甲子傅瑕殺鄭子及其二子而納厲公初內蛇與外蛇鬪於鄭南門中內蛇死六年而厲公入公聞之問於申繻曰猶有妖乎對曰人之所忌其氣徵以取之妖由人興也人無覺焉妖不自作人棄常則妖興故有妖厲公入遂殺傅瑕

新序晉獻公太子之至靈臺蛇繞左輪御曰太子下拜吾聞國君之子蛇繞左輪者速得國太子遂不行返乎舍御人見太子太子曰吾聞爲人子者盡和順君不行私欲恭嚴承命不逆君安今吾得國是君失安也見國之利而忘君安非子道也聞得國而拜其聲非君欲也廢子道不孝逆君欲不忠而使我行之殆欲吾國之危明也拔劍將死御止之曰夫穢祥妖孽天之道也恭嚴承命人之行也拜祥戒孽禮也嚴恭承命不以身恨君孝也今太子見福不拜失禮殺身恨君失孝從僻心棄正行非臣之所聞也太子曰不然我得國君之孽也拜君之孽不可謂禮見穢祥而忘君之安國之賊也懷賊心以事君不可謂孝挾僞意以御天下懷賊心以事君邪之大者也而使我行之是欲國之危明也遂伏劍而死君子曰晉太子徒御使之拜蛇祥猶惡之至于自殺者爲見疑於欲國也己之不欲國以安君亦以明矣爲一愚御過言之故至於身死廢子道絕祭祀不可謂孝可謂遠嫌一節之士也

芥隱筆記晉文公出已反國介子推不肯受賞爲賦詩曰有龍如飛周徧天下五蛇從之爲之承輔龍反

其鄉得其處所四蛇從之得其露雨一蛇羞之棄死於中野

新序晉文公出微前驅曰前有大蛇高如隄阻道竟之文公曰寡人聞之諸侯夢惡則修德大夫夢惡則修官士夢惡則修身如是而禍不至矣今寡人有過天以戒寡人還車而反前驅曰臣聞之喜者無實怒者無刑今禍福已在前矣不可變何不遂驅之文公曰不然夫神不勝道而妖亦不勝德禍福未發猶可化也還車反宿齋三日請於廟曰孤少穢不肥幣不厚罪一也孤好弑弑無度數罪二也孤多賦斂重刑罰罪三也請自今以來者闕市無征澤梁無賦斂赦罪人舊田半稅新田不稅行此令未半旬守蛇吏夢天帝殺蛇曰何故當聖君道爲而罪當死發夢視蛇臭腐矣謁之文公曰然夫神果不勝道而妖亦不勝德奈何其無究理而任天也應之以德而已

左傳文公十六年有蛇自泉宮出入於國如先君之數秋八月辛未聲姜薨毀泉臺

賈誼新書孫叔敖之爲嬰兒也出遊而還憂而不食其母問其故泣而對曰今日吾見兩頭蛇恐去死無日矣其母曰今蛇安在曰吾聞見兩頭蛇者必死吾恐他人又見之吾已殺而埋之也其母曰無憂汝不死吾聞之有陰德者天必報之以福果不死人聞之皆論其能仁也及爲令尹未治而國人信之

水經注澧水東南逕臨澧縣故城西春秋魯莊公四年楚武王伐隋令閼祁莫敖屈重除道梁澤軍臨於隋謂此水也水側有斷蛇丘隋侯出而見大蛇中斷因舉而藥之故謂之斷蛇丘後蛇銜明珠報德世謂之

隋侯珠亦曰靈蛇珠

搜神記昔隋侯因使入齊路行深水沙邊見一小蛇可長三尺於熱沙中宛轉頭上血出隋侯見而憐之下馬以鞭撥於水中語曰汝若是神龍之子當願擁護於我言訖而去至於齊國經二月還復經此道忽有一小兒手把一明珠當道送與隋侯曰誰家之子而語吾答曰昔日深蒙救命甚重感恩聊以奉贖侯曰小兒之物詎可受之不顧而去至夜又夢見小兒持珠與侯曰見乃蛇也早蒙救護生全今日答恩不見垂納請受之無復疑焉侯驚異追旦見一珠在牀頭侯乃收之而感曰傷蛇猶解知恩重報在人反不知恩乎侯歸持珠進納具述元由終身食祿耳左傳成公二年晉師從齊師陳於案齊師敗績逢丑父與公易位將及華泉驂絙於木而止丑父寢於轡中蛇出于其下以肱擊之傷而匿之故不能推車而及

襄公二十一年初叔向之母妒叔虎之母美而不使其子皆諫其母其母曰深山大澤實生龍蛇彼美余懼其生龍蛇以禍女

搜神記魯定公元年有九蛇繞柱占以爲九世廟不祀乃立煬宮

孔叢子嘉言篇宰我使於齊而反見夫子曰梁丘據遇虺毒三旬而後瘳朝齊君齊君會大夫衆賓而慶焉弟子與在賓列大夫衆賓並復獻攻療之方弟子謂之曰夫所以獻方將爲病也今梁丘已瘳矣而諸夫子乃復獻方方將安施意欲梁丘大夫復有虺害常用之乎衆坐默然無辭弟子此言何如夫子曰汝

說非也夫三折肱爲良醫梁丘子遇虺毒而獲療猶有與之同疾者必問所以已之之方爲衆人爲此故各言其方欲售之以已人之疾也凡言其方者稱其良也且以參據所以已之之方優劣耳

戰國策昭陽爲楚伐魏覆軍殺將得八城移兵而攻齊陳軫爲齊王使見昭陽再拜賀戰勝起而問楚之法覆軍殺將其官爵何也昭陽曰官爲上柱國爵爲上執珪陳軫曰異貴於此者何也曰唯令尹耳陳軫曰令尹貴矣主非置兩令尹也臣竊爲公譬可也楚有祠者賜其舍人卮酒舍人相謂曰數人飲之不足一人飲之有餘請畫地爲蛇先成者飲酒一人蛇先成引酒且飲乃左手持卮右手畫蛇曰吾能爲之足未成一人之蛇成奪其卮曰蛇固無足子安能爲之足遂飲其酒爲蛇足者終亡其酒今君相楚而攻魏破軍殺將得八城不弱兵欲攻齊齊畏公甚公以是爲名亦足矣官之上非可重也戰無不勝而不知止者身且死爵且後歸猶爲蛇足也昭陽以爲然解軍而去

韓子說林篇鴟夷子皮事田成子田成子去齊走而之燕鴟夷子皮負傳而從至望邑子皮曰子獨不開涸澤之蛇乎涸澤蛇將徙有小蛇謂大蛇曰子行而我隨之人以爲蛇之行者耳必有殺子不如相銜負我以行人必以我爲神君也乃相銜負以越公道而行人皆避之曰神君也今子美而我惡以子爲我上客千乘之君也以子爲我使者萬乘之卿也子不如爲我舍人田成子因負傳而隨之至逆旅逆旅之君待之甚敬因獻酒肉

華陽國志秦惠王知蜀王好色許嫁五女于蜀蜀遣五丁迎之還到梓潼見一大蛇入穴中一人攬其尾掣之不禁至五人相助大呼扯蛇山崩時壓殺五人及秦五女山分爲五嶺直頂上有平石蜀王痛傷乃登之因命曰五婦家

漢書高祖本紀高祖被酒夜徑澤中令一人行前行者還報曰前有大蛇當徑願還高祖醉曰壯士行何畏乃前拔劍斬蛇蛇分爲兩道開行數里醉困臥後人來至蛇所有一老嫗夜哭人問嫗何哭嫗曰人殺吾子人曰嫗子何爲見殺嫗曰吾子白帝子也化爲蛇當道今者赤帝子斬之故哭人乃以嫗爲不誠欲苦之嫗因忽不見後人至高祖覺告高祖高祖乃心獨喜自負諸從者日益畏之

陳留風俗傳小黃縣者衛地故陽武東黃鄉也因黃水以名縣沛公起兵野戰喪皇妣於黃鄉天下平定乃遣使者以梓宮招魂幽野於是丹地在水自洗濯入於梓宮其浴處有遺髮故諡曰昭靈夫人

列仙傳元谷者自言河間人餌巴豆雲母賣藥於都市七錢一九治百病河間王病買酒服之下蛇十餘頭

漢書五行志武帝太始四年七月趙有蛇從郭外入與邑中蛇鬪孝文廟下邑中蛇死後二年秋有衛太子事自趙人江充起水經注衡漳東北右合張平口故溝上承武強淵淵之西南之側水有武強縣故治故淵得其名焉東觀漢記曰光武拜王梁爲大司空以爲侯國者宿云邑人有行于塗者見一小蛇疑其有靈持而養之名曰

擔生長而吞噬人里中患之遂捕繫獄擔生負而奔邑淪爲湖縣長及吏咸爲魚矣

後漢書安帝本紀帝肅宗孫也父清河孝王慶帝自

在邸第有赤蛇盤於牀第之間

解奴幸傳章帝時有壽光侯者能劾百鬼衆魅令自

縛見形其鄉人有婦爲魅所病侯爲効之得大蛇數

丈死於門外又有神樹人止者輒死鳥過者必墜侯

復効之樹盛夏枯落見大蛇長七八丈懸死其間

應劭風俗通予之祖父柳爲汲令以夏至日詣見主

簿杜宣賜酒時北壁有懸赤弩照於杯影如蛇宣畏

惡之然不敢不飲其日便得胃腹痛切妨損飲食大

用羸露攻治萬端不爲愈後柳因事過至宣家闕視

問其故云畏此蛇蛇入腹中柳還聽事思惟良久顧

見懸弩必是也則使門下吏將鈴下待徐扶輦載宣

於故處設酒杯中故復有蛇因謂宣此壁上弩影耳

非有他怪宜遂解甚夷慄由是瘳平

後漢書竇武傳武母產武而并產一蛇送之林中後

母卒及葬未窆有大蛇自榛草而出徑至喪所以頭

擊柩涕血皆流俯仰結屈若哀泣之容有頃而去時

人知爲竇氏之祥

方術傳許曼者祖父峻字季山善卜占之術曼少傳

峻學桓帝時龍西太守馮緄始拜郡開綬笥有兩赤

蛇分南北走緄令曼筮之卦成曼曰三歲之後君當

爲邊將官有東名當東北行三千里復五年更爲大

將軍南征延熹元年緄出爲遼東太守討鮮卑至五

年復拜車騎將軍擊武陵蠻賊皆如占

淳于翼曰蛇有鱗甲兵之象也見於省中將有椒房大臣受甲兵之象也乃棄官遁去到延熹二年誅大將軍梁冀捕治家屬楊兵京師也

後漢書謝弼傳弼除郎中時青蛇見前殿大風拔木

詔公卿以下陳得失弼上封事曰臣聞和氣應於有

德妖氣生乎失政上天告譴則王者思其愆政道或

虧則姦臣當其罰夫蛇者陰氣所生鱗者甲兵之符

也洪範傳曰厥極弱時則有蛇龍之孽又熒惑守亢

裴回不去法有近臣謀亂發於左右不知陛下所與

從容帷幄之內親信者爲誰宜急斥黜以消天戒

五行志熹平元年四月甲午青蛇見御坐上是時靈

帝委任宦者王室微弱按張奐傳建寧二年夏青

蛇見御坐軒前奐上疏陳著寶武未被明宥妖告之

來皆爲此也敦煌實錄曰蛇長六尺夜於御前當軒

而見

神仙傳壺公者不知其姓名也費長房詣公公乃雷

房於羣虎中虎磨牙張口欲噬房房不懼明日又內

於石室中頭上有一方石廣數丈以茅絢懸之又諸

蛇來嚙繩繩即欲斷而長房自若公至撫之曰子可

教矣

後漢書華佗傳佗嘗行道見有病咽塞者因語之曰

向來道隅有賣餅人餅齏甚酸可取三升飲之病自

當去即如佗言立吐一蛇乃懸於車而候佗時佗小

兒戲於門中逆見自相謂曰客車邊有物必是逢我

翁也及客造顧視壁北懸蛇以十數乃知其奇

搜神記沛國華佗字元化一名瑯琊劉勳爲河內太守有女年幾二十苦脚左膝裏有瘡癢而不痛瘡

愈數十日復發如此七八年迎佗使視佗曰是易治之當得稻糠黃色犬一頭好馬二匹以繩繫犬頸使走馬牽犬馬極輒易計馬走三十餘里犬不能行復令步人拖曳計向五十里乃以藥飲女女即安臥不知人因取大刀斷大腹近後脚之前以所斷之處向瘡口令二三寸停之須臾若有蛇者從瘡中出便以鐵椎橫貫蛇頭蛇在皮中動搖良久須臾不動乃牽出長三尺許純是蛇但有眼處而無瞳子又逆鱗耳以膏散著瘡中七日愈

瑯嬛記甄后既入魏宮宮庭有一綠蛇口中恆有赤珠若梧子大不傷人人欲害之則不見矣每日后梳粧則盤結一髻形於后前后異之因效而爲髻巧奪天工故后髻每日不同號爲靈蛇髻官人擬之十不得一二也

拾遺記張承之母孫氏懷承之時乘輕舟遊於江浦之際忽有白蛇長三尺騰入舟中母祝曰若爲吉祥勿毒噬我縈而將還置諸房內一宿視之不復見蛇嗟而惜之鄰中相謂曰昨見張家有一白鶴聳翻入雲以告承母使筮之筮者曰此吉祥也蛇鶴延年之物從室入雲自下升高之象昔吳王闔閭葬其妹殉以美女珍寶異劍窮江南之富未及十年雕雲覆於溪谷美女游於冢上白鶴翔於林中白虎嘯於山側皆是昔時之精靈今出于世當使子孫位超臣極擅名江表若生子可以名曰白鶴及承生位至丞相爲輔吳將軍年踰九十蛇鶴之祥也廣州記晉興郡蛇蛇嶺去路側五十里忽有一物大百圍長數十丈行者過視則往而不返積年如此失

人甚多重奉從交州出由此嶠見之大驚云此地也往施符勒經宿往看蛇已死矣左右白骨聚積成丘搜神記東越閩中有庸嶺高數十里其西北隙中有大蛇長七八丈大十餘圍土俗常懼東治都尉及屬城長吏多有死者祭以牛羊故不得福或與人夢或下諭巫祝欲得啗童女年十二三者都尉令長並共患之然氣厲不息共請求人家生婢子兼有罪家女養之至八月朝祭送蛇穴口蛇出吞嚙之累年如此已用九女爾時預復募索未得其女將樂縣李誕家有六女無男其小女名寄應募欲行父母不聽寄曰父母無阻惟生六女無有一男雖有如無女無緹縈濟父母之功既不能供養徒費衣食生無所益不如早死賣寄之身可得少錢以供父母豈不善耶父母慈憐終不聽去寄自潛行不可禁止寄乃告請好劍及昨蛇大至八月朝便詣廟中坐懷劍將犬先將數石米養用蜜粃灌之以置穴口蛇便出頭大如困目如二尺鏡聞養香氣先啗食之寄便放犬犬就嚙昨寄從後斫得數創創痛急蛇因躍出至庭而死寄入視穴得其九女髑髏悉舉出咤言曰汝曹怯弱為蛇所食甚可哀愍於是寄女緩步而歸越王聞之聘寄女為后拜其父為將樂令母及姊皆有賞賜自是東治無復妖邪之物其歌謠至今存焉

嘔吐聲竊窺於戶止見一大蛇垂頭而睡聞者異之張華傳華博物洽聞世無與比武庫封閉甚密其中忽有雄雉華曰此必蛇化為雉也開視雉側果有蛇蛻焉

樂廣傳廣遷河南尹嘗有親客久闊不復來廣問其故答曰前在坐蒙賜酒方欲飲見盃中有蛇意甚惡之既飲而疾於時河南聽事壁上有角漆畫作蛇廣意盃中蛇即角影也復置酒於前處謂客曰酒中復有所見不答曰所見如初廣乃告其所以客豁然意解沉疴頓愈

五行志武帝咸寧中司徒府有二大蛇長十許丈居聽事平檯上而人不知但數年怪府中數失小兒及猪犬之屬後有一蛇夜出被刃傷不能去乃覺之發徒攻擊移時乃死夫司徒五教之府此皇極不建故蛇孽見之漢靈帝時蛇見御座楊賜云為帝溺於色之應也魏代官人猥多晉又過之燕游是溺此其孽也詩云惟虺惟蛇女子之祥也

惠帝元康五年三月癸巳臨淄有大蛇長十餘丈負二小蛇入城北門逕從市入漢城陽景王祠中不見天戒若曰昔漢景王有定傾之功而不厲節忠慎以至失職奪功之辱今齊王罔不寤雖建興復之功而驕陵取禍此其徵也

異苑晉賈謐蛇出其被中謐甚惡明年伏誅豫章記永嘉末有大蛇長十餘丈斷道經過者輒以氣吸引取之吞噬已數百行旅斷絕道士吳猛與弟子數百人往欲殺蛇蛇藏深穴不肯出猛得南昌社公蛇乃出穴頭數丈猛於尾緣背而以足按蛇頭著

地弟子於後以斧殺之西陽雜俎晉許旌陽吳猛弟子也當時江東多蛇禍猛將除之選徒百餘人至高安令具炭百斤乃度尺而斷之真諸壇上一夕悉化為玉女恐其徒至曉吳猛悉命弟子無不涅其衣者惟許君獨無乃與許至遂江及遇巨蛇吳年衰不能制許遂再步勦劍登其首斬之

晉書五行志明帝大寧初武昌有大蛇常居故神祠空樹中每出頭從人受食京房易妖曰蛇見於邑不出三年有大兵國有大憂尋有王敦之逆

搜神記吳郡海鹽縣北鄉亭里有士人陳甲本下邳人晉元帝時寓居華亭獵於東野大獲歛見大蛇長六七丈形如百斛船元黃五色臥岡下陳即射殺之不敢說三年與鄉人共獵至故見蛇處語同行曰昔在此殺大蛇其夜夢見一人烏衣黑幘來至其家問曰我昔昏醉汝無狀殺我我昔醉不識汝面故三年不相知今日來就死其人即驚覺明日腹痛而卒

廣五行記晉吳興太守袁元瑛嘗之官請郭璞筮吉凶璞曰至官當有赤蛇為妖不可殺之後到府果有赤蛇在銅虎符函上蟠元瑛家人過殺之其後元瑛為徐覆所害

搜神後記太尉郝鑒字道徽鎮丹徒曾出獵時二月中獻始生有一甲士折食一莖即覺心中淡淡然欲吐因歸乃成心腹疼痛經半年許忽大吐吐出一赤蛇長尺餘尚活動搖乃挂著屋簷前汁稍稍出蛇漸焦小經一宿視之乃是一莖麻猶甘之所食病遂除差

晉書杜預傳預初在荊州因宴集醉臥齋中外人聞

搜神記秦贈居曲阿彭皇野忽有物如蛇突入其腦中蛇來先聞臭氣便於鼻中入盤其頭中哄哄僅聞其腦間食聲嘔嘔數日而出去尋復來取手中縛鼻口亦破入積年無他病唯患頭重

榮陽郡有一家姓廖累世為蠱以此致富後娶新婦不以此語之遇家人咸出唯此婦守舍忽見屋中有大缸婦試發之見有大蛇婦乃作湯灌殺之及家人歸婦具白其事舉家驚惋未幾其家疾疫死已略盡

晉書沮渠蒙遜載記蒙遜攻浩亶而蛇盤於帳前蒙遜笑曰前一為騰蛇今盤在吾帳天意欲吾迴師先定酒泉燒攻具而還

異苑司馬軌之字道援善射雉太元中將媒下翳此媒屢雉野雉亦應試令尋覓所應者頭翅已成雉半身故是蛇

晉太元中汝南人入山伐竹見一竹中蛇形已成上枝葉如故又吳郡桐廬人常伐餘遺竹見一竹竿雉頭頸盡就身猶未變此亦竹為蛇蛇為雉也

廣五行記晉安帝義熙末年殷仲文年十三父以家有大怪有大蛇長丈或戴其堂屋或拔其炊釜置地家人棄舍奔散唯仲文居喪如故然仲文後竟為宋高祖所戮

蓮社高賢傳遠公在廬山有行者嘗來侍師善驅蛇蛇為盡去因號辟蛇行者

南康記南野嶺山有漢太傅陳蕃墓墓昔值軍亂聞墓有三寶軍人爭掘指麾必啓忽大蛇圍繞墳前崩雷晦雨當時竟不得發

南史倭國倭國有獸如牛名山風又有大蛇吞此

獸蛇皮堅不可所其上有孔乍開乍閉時或有光射中而蛇則死矣

朱書劉秀之傳秀之少孤貧有志操十許歲時與諸兒戲於前渚忽有大蛇來勢甚猛莫不顛沛驚呼秀之獨不動眾並異焉東海何承天雅相知器以女妻之

南史宋巴陵王休若傳都下訛言休若有至貴之表明帝以此言報之休若甚憂聽事上有二大蛇長丈餘哈哈有聲休若甚惡上以休若善能諸緝物情應將來傾幼主遣使於第賜死

搜神後記元嘉中廣州有三人共入山中伐木忽見石窠中有二卵大如升取煮之湯始熱便聞林中如風雨聲須臾有一蛇大十圍長四五丈徑來於湯中

衛卯去三人無幾皆死

異苑丹陽鍾忠以元嘉冬月晨行見有一蛇長二尺許文色似青琉璃頭有雙角白如玉感而畜之於是賞業日登經年蛇自亡去忠及二子相繼殞斃此蛇來吉去凶其唯龍乎

昔有田父耕地值見傷蛇在焉有一蛇銜草著瘡上經日傷蛇走田父取其草餘葉以治瘡皆驗本不知草名因以蛇銜為名抱朴子云蛇銜能續已斷之指如故是也

魯國中牟縣蒙山上有寺廢久民欲架屋者輒大蛇數十丈出來驚人故莫得安焉

新野蘇卷與婦佃于野舍每至飲時輒有一物來其形似蛇長七尺五寸色甚光采卷異而餉之遂經數載產業加厚婦後密打殺即得能食病日進三斛餅

猶不為飽少時而死

幽明錄會稽謝祖之婦初有一男又生一蛇長二尺許便送出門去後數十年婦以老終祖忽聞西北有風雨之聲頃之見一蛇長十數丈腹可十餘圍入戶造靈座因至柩所繞數匝以頭打柩目血淚俱出良久而去

南齊書紀僧真傳僧真遭母喪開冢得五色兩頭蛇虞恩傳恩為晉平太守郡舊出髻蛇膽可為藥有餉恩蛇者恩不忍殺放二十里外山中一夜蛇還林下復送四十里外山經夜復還故處恩更令遠乃不復歸論者以為仁心所致也

太平御覽梁主衣庫見黑蛇長丈許數十小蛇隨之舉頭高丈餘南望俄失所在帝又與宮人幸元州苑復見大蛇盤屈於道羣小蛇隨之並黑色帝惡之宮人曰此非怪也恐是錢龍帝勅所司即日取數十萬錢鎮於蛇處以厭之因設法會赦囚徒賑窮乏退居栖心省又有蛇從屋墜帝帽上忽然復失又龍光殿上所御肩輿復見小蛇繁屈輿中以頭薦夾膝前金龍頭上見人走逐之不及

太平廣記南陽武當縣有郡社柏樹大四十圍梁蕭欣為郡伐之言有大蛇從樹腹中墜下粗數圍長三丈羣蛇數十隨之入南山聲如風雨未伐樹前曾見夢於欣欣不以措意及伐之後欣果死於治所

石鹿山臨海先有神廟刺史王神念以百姓祈禱糜費毀神影壞屋舍當坐棟上有一大蛇長丈餘役夫打撲不禽得入海水爾夜子春夢見人遍名詣子春云有人見苦破壞宅舍既無所託欽君厚德欲憩此境子春心密記之經二日而知之甚驚以為前所夢神因辨性醺請召安置一處數日復夢一朱衣人相聞辭謝云得君厚惠當以一州相報子春心喜供事彌勤經月餘魏欲襲胸山間謀前知子春設伏摧破之詔受南青州刺史鎮胸山

太平廣記陳時吳興顧楷在田上樹取桑葉見五色大蛇入一小穴其後蛇相次或三尺五尺次第相隨略有數百楷急下樹看所入之處了不見有孔日暮還家楷病口瘡不復得語

南史傳綽傳綽雖強直有才而毒惡傲慢為當世所疾及死有惡蛇屈尾來上靈牀當前受祭爵去而復來者百餘日時時有彈指聲

水經注漢水又東合洛谷谷有三源注一壑于神蛇戊酉左右山溪多五色蛇性馴良不為物毒

魏書余朱榮傳榮父新興太和中繼為會長家世豪擅財貨豐贏會行馬羣見一白蛇頭有兩角遊于馬前新興異之謂曰爾若有神令我蓄牧蕃息自是之後日覺滋盛牛羊蛇馬色別為羣谷量而已

慕容熙傳熙遊于城南止大柳樹下若有人呼曰大王且止熙惡之伐其樹下有蛇長丈餘

太平廣記東魏孝靜帝武定中有大蛇見武牢城上時北豫州刺史高仲密以武牢叛死者數千人司馬滑難之任武牢蛇又見滑難亦叛土人謂之雌龍

北齊書陸法和傳法和有小弟子戲截蛇頭來詣法和法和曰汝何意殺蛇因指以示之弟子乃見蛇頭齟齬稽而不落法和使懺悔為蛇作功德

隋書五行志武平七年并州昭遠樓下有赤蛇與黑蛇鬪數日赤蛇死赤齊尚色黑周尚色鬪而死滅亡之象也後主任用邪佞與周師連兵于晉陽之下委軍於孽臣高阿那肱竟啓敵人皇不建之咎也後主遂為周師所虜

鄆邪王儼壞北宮中白馬浮圖石趙時澄公所建見白蛇長數丈迴旋失所在時儼專誅失中之咎也見變不知戒以及於難

彰德府志隋開皇七年相州有桑變為蛇其尾繞樹長二丈

太平廣記隋薛濬初為童兒時與宗中諸兒遊戲于澗濱見一黃蛇有角及足召羣兒共視了無見者濬以為不祥歸而憂悴母還而問之濬以實對時有胡僧詣宅乞食濬母怖而告之僧曰此乃兒之吉應且是兒也早有名位然壽不過六七耳言終而出忽然不見時咸異之既而濬終於四十二六七之言于是驗矣

隋絳州夏縣樹提家新造宅欲移入忽有蛇無數從室中流出門外其稠如箔上蠶蓋地皆遍時有行客云解符鎮取桃枝四枚書符遠宅四面釘之蛇漸退符亦移就之蛇入堂中心有一孔大如盆口蛇入並盡令煎湯一百斛灌之經宿以鑿掘之深數大得古銅錢二十萬貫因陳破鑄新錢遂巨富蛇乃是古銅之精

平陽府志文中子兄王度大業九年以御史出兼芮城令令廳前有一桑樹圍可數丈不知幾百年矣前後令至皆祠謁此樹不則殃禍立及也度曰妖由人興淫祀宜絕縣吏皆叩首請度不得已為之一祀然陰念此樹當有精魅所托人不能除養成其勢乃密懸古鏡于樹其夜二鼓許聞廳前磊落有聲若雷霆者遂起視之則風雨晦冥纏繞其樹電光晃耀忽上忽下至明有一大蛇紫鱗赤尾綠頭白角額上有王字身被數創死于樹下度命吏出蛇焚于縣門外仍掘樹樹心有一穴于地漸大有巨蛇蟠泊之迹妖怪遂絕

太平御覽煬帝大業末年翟讓初見李密衣在格上密腰帶化為赤蛇讓心異之竟為密所殺

李密提偃師王世充領兵討之夜有斑蛇長丈餘向寢屋作聲如牛吼然伏而斬之明日戰大潰匹馬歸國

唐太宗屯桓壁常欲覘敵潛軍遠抄騎皆四散太宗與一甲士登丘而睡俄然賊兵四面雲合不之覺也會有蛇逐鼠觸甲士驚起因見賊至遽白太宗而俱上馬馳百餘步為賊所及發大羽箭射之殪其驍將賊騎乃退當時以為神異焉

廣異記張騎士者自云幼時隨英公李勣渡海遇風十餘日不知行幾萬里風靜不波忽見二物黑色頭狀類蛇大如巨船其長望而不極須臾至船所皆以頭遠船橫推其疾如風舟人惶懼不知所抗已分為所啖食唯念佛求速死耳久之到一山破船如積各自念云彼人皆為此物所食須臾風勢甚急顧視船

後復有三蛇追逐亦至意如爭食之狀二蛇放船迴與三蛇鬪于沙上各相蜿蜒蟻於孤島焉舟人因是乘風舉帆遂得免難

孔帖虞世南貞觀八年進封縣公會大蛇屢見帝憂之以問世南對曰漢靈帝時青蛇見御座晉惠帝時大蛇長三百步見齊地經市入廟蛇宜在草野而入市此所以爲怪爾今蛇見山澤適其所居恐有冤獄枉繫宜省錄累四

西域波斯貞觀十二年使者獻活得蛇狀類鼠色正青能捕穴鼠

宣室志長安興福寺有十光佛院其院宇極壯麗云是隋所制貞觀中寺僧以其年紀綿遠慮有摧圯即經費計工且欲新其土木乃將毀撤既啓戶見有蛇萬數連貫在地蛇蟠遶如積搖首吐喙若吞噬之狀寺僧大懼以爲天憫重勞故假靈變於是不敢除毀廣古今五行記高宗時李崇貞任益州長史廳前柑子樹有一子如鷄子晚熟微有小孔如針羣官咸異之方欲將進久而乃罷因剖之得一赤斑蛇長尺餘崇貞後竟以罪死

唐書五行志景雲中有蛇鼠鬪於右威衛營東街槐樹蛇爲鼠所傷鬪者兵象

河南通志崔日用宅在河南府積善坊日用則天時爲洛陽令元宗微時嘗至其宅日用爲設饌未熟元宗因寢庭前藤花初開日用忽見一巨黃蛇食藤花驚不敢近遂巡不見元宗覺曰大奇我饑甚夢食藤花滋味分明記得已得餘飽日用乃知後日啓聖之驗也

廣異記嚴挺之爲魏州刺史初到官臨廳事有小蛇從門入至案所以頭枕案挺之初不懼遽持牙笏壓其頭下地正立凝想頃之蛇化成一符挺之意是術士所爲尋索無獲而止

舊唐書五行志先天二年六月西京朝堂磚塔無故自圯磚下有大蛇長丈餘蝦蟆大如盤面目赤如火相向鬪俄而蛇入大樹蝦蟆入于草其年七月三日元宗誅實懷真岑義等十七家

唐書五行志開元四年安南都護府江中有大蛇首尾橫出兩岸經日而腐寸寸自斷

舊唐書五行志開元四年六月郴州馬嶺山下有白蛇長六七尺黑蛇長丈餘兩蛇鬪白蛇吞黑蛇至齧處口眼流血黑蛇頭穿白蛇腹出俄而俱死旬日內桂陽大雨山水暴溢漂漂五百家殺三百餘人

廣異記長安至相寺有賢者自十餘歲便在西禪院修道院中佛堂座下恆有一蛇賢者初修道時蛇大一圍及後四十餘年蛇如堂柱大蛇雖相見而不能相惡開元中賢者夜中至佛堂禮拜堂中無燈而光粲滿堂心甚怪之因于蛇出之處得徑寸珠至市高舉價冀其識者數日有胡人交市定還百萬賢者曰此夜光珠當無價何以如此酬直胡云蚌珠則貴此乃蛇珠多至千貫賢者歎伏遂賣焉

宣室志臨淮郡有館亭濱泗水上亭有大木周數十株突然勁拔陰合百步往往有甚風迅雷夕發其中人望見亭有二光對而上下赫然若電風既息其光亦閉開元中有韋子春以勇力聞會子春客于臨淮有人語其事者子春曰吾能伺之于子春衣囊止于

亭中以伺焉後一夕遂有大風雷震于地亭屋搖撼果見二光照耀亭宇子春乃斂衣而下忽覺有物蟠遶其身冷如冰凍束不可解迴視見二光在其身後子春即奮身揮臂剝然有聲其縛亦解遂歸亭中未幾而風雨霽聞亭中腥若鮑肆明日視之見一巨蛇中斷而斃血遍其地里人相與來觀謂子春且死矣乃見之大驚自是其亭無雷患

舊唐書五行志天寶中洛陽有巨蛇高丈餘長百尺出于芒山下胡僧無畏見之歎曰此欲決水注洛城即以天竺法呪之數日蛇死祿山陷洛之兆也

賢爽冷蛇申王有肉疾腹垂至胛每出則以白練束之至暑月嘗舒息不可過元宗詔南方取冷蛇長數尺色白不整人執之冷如握冰申王腹有數約夏月置于約中不復覺煩暑

宣室志天寶中無畏師在洛是時有蛇狀甚異高丈餘圍五十尺魁然若盤遶出于山下洛民咸見之於是無畏曰後此蛇決水瀦洛城即說佛書義甚精蛇至夕則駕風露來若傾聽狀無畏乃憤之曰爾蛇也營居深山中固安其何所爲將欲肆毒于世即速去無患生人其蛇聞之遂俯于地若有慚色須臾而死焉其後祿山據洛陽盡毀官廟果無畏所謂決洛水瀦城之應

廣異記天寶中有樵人入山醉臥爲蛇所吞其入微醒怪身動搖開視不得方知爲物所吞因以樵刀畫腹得出眩然迷悶久之方寤其入自衛半身皮脫如白風狀

河南尹李齊物天寶中左遷竟陵太守郡城南樓有

白烟刺史不改即死土人以爲常占齊物被黜意甚恨恨樓中忽出白煙乃發怒云吾不畏死神如余何使人尋烟出處云白煙悉白蟲恐是大蛇齊物令掘之其孔漸大中有大蛇身如巨甕命以鑊煎油數十斛沸則灼之蛇初雷吼城堞震動經日方死乃使人下壘塞之齊物亦更無他

錄異記景知果亦有道者也居實垂山有巨蛇時出知果叱而遣之蛇涎而去

唐書五行志至德元載八月朔成都丈人廟有肉角蛇見

二載三月有蛇闕于南陽門之外一蛇死一蛇上城太平廣記洪州城自馬瑗置立後不復修葺相傳云修者必死宋秦中都督張鎬修之不疑忽城西北隅遇一大坎坎中見二蛇一白一黑頭類牛形如巨甕長六十餘尺蛇蟠在坑中其餘小蛇不可勝數人以白鎬鎬命逐之出乃以竹篾縛其頭牽之蛇初不開目隨牽而出小蛇甚多軍人或有傷其小者十餘頭二蛇相隨入徐孺亭下放生池中池水深數丈其龜皆走出上岸爲人所獲魚亦鼓鰓出水須臾皆死後七日鎬薨判官鄭從南昌令馬皎二子相繼而卒唐書五行志建中二年夏趙州寧晉縣沙河北有棠樹甚茂民祠之爲神有蛇數百千自東西來趨北岸者聚棠樹下爲二積畱南岸者爲一積俄有徑寸龜三繞行積蛇盡死而後各登其積蛇腹皆有瘡若矢所中刺史康日知圖其事奉三龜來獻

原化記元和初嵩山有五六客皆寄山習業者也初秋避熱于二帝塔下日晚于塔下見一大蛇長數丈

衆駭而觀之一客曰可充脯食之廚咸和之中一客善射或曰大者或龍神殺之恐爲禍也畫脯之膳豈在此乎不如勿爲諸客決議不可復止善射發一箭便中再箭蛇蟠解地衆共殺之諸客各務庖事操刀割者或有入寺求柴炭鹽酪者其勸不取者色不樂遂辭而歸其去寺數里時天色已陰天雷忽起其中亦有各歸者而數客猶在塔下須臾雲霧大合遼近晦冥雨雹如瀉飄風四捲折木走石雷雹激怒山川震蕩數人皆震死于塔下有先歸者路亦死其一客不欲殺者未到山居投一空蘭若閨門雷電隨入客大懼自省且非同謀令其見害乃大言曰某不與諸人共殺此蛇神理聰明不可濫罰無辜幸宜詳審言訖雷霆併收風雨消歇此客獨存

太平御覽元和中五坊小使每羣聚于賣酒食家肆情飲啖將去留蛇一篋誠之曰吾以此蛇致供奉者可善飼之無使饑渴主人路而謝之方背攜蛇篋去雲溪友議唐相李紳初貧之刺川天宮精舍覓笈晝寢有老僧齋罷見一黑蛇上剎前李樹食其子焉僧恐毒毒而人誤食之徐徐驅下蛇乃望東序入李公懷中倏忽不見公乃驚覺老僧謂曰秀才睡中有所見否公曰夢上樹食李似有一僧相逼僧知非常人也厚待之

酉陽雜俎朱道士者太和八年常遊廬山憩於澗石忽見蟠蛇如堆綉錦俄變爲巨龜放之山叟云是元武

嶺南異物志俗傳有嫗嫗者農秦時嘗得異魚放于康州悅城江中後稍大如龍嫗汲澣于江龍輒來嫗

邊率爲常他日嫗治魚龍又來以刀戲之誤斷其尾嫗死龍推沙石墳其墓上人呼爲掘尾爲立祠字千餘年太和末有職祠者欲神其事以惑人取羣小蛇衛禁之藏祠下目爲龍子能令飲酒置巾箱中持詣城市越人好鬼怪爭遺之職祠者輒收其半開成初滄州故將蘇固爲刺史心知其非且利其財益神之得金帛用修佛寺官舍他日軍吏爲蛇鬪聞不使治乃整簪笏命走語嫗所囑者俄頃死乃云慢神罰也愚民遽唱其事信之益堅嘗有殺其一蛇乾于火藏之已而祠中蛇逾多迄今猶然

唐書五行志開成元年宮中有衆蛇相與鬪杜陽雜編開成初宮中有黃色蛇夜自寶庫中出遊于階庭間光彩照灼不可擒捕宮人擲珊瑚瑠擊之遂并決而亡去掌庫者具以事告上令徧搜庫內乃得黃金蛇而珊瑚瑠著其首上熟視之曰昔隋煬帝爲晉王時以黃金蛇贈陳夫人吾不知此蛇得自何處左右因覩領下有廢字上蹶然曰果不失朕所疑耳阿廢煬帝小字也上之博學敏悟率多此類遂命取頗梨連環繫于玉疑之前足其後更不復見焉

以疑能啗蛇也

酉陽雜俎蛇磧蘇都瑟匿國西北有蛇磧南北蛇原五百餘里中間遍蛇毒氣如煙飛鳥墜地蛇因吞食或大小相噬及食生草

因話錄進士鄭疊說家在高郵有親表盧氏莊近水有鄰人數家共殺一白蛇未久忽大震雷電雨發洪數家皆陷溺無遺唯盧氏當中一家無恙

酉陽雜俎長壽寺僧言他時在衡山村人爲毒蛇

所噬須臾而死髮解腫起尺餘其子曰咎老若在何處遂迎咎至乃以灰圍其尸開四門先曰若從足入則不救矣遂踏步握固久而蛇不至咎大怒乃取飯數升擣蛇形詛之忽蠕動出門有頃飯蛇引一蛇從死者頭入徑吸其瘡屍漸低蛇炮縮而死村人乃活南安蠻江蛇至五六月有巨蛇泛江岸首如張帽萬萬蛇隨之入越王城

馮坦者常有疾醫令浸蛇酒服之初服一瓮子疾減半又令家人園中執一蛇投瓮中封閉七日及開蛇躍出舉首尺餘出門因失所在其過跡地墳起數寸陸紹郎中又言嘗記一人浸蛇酒前後殺蛇數十頭一日自臨覓窺酒有物跳出審其鼻將落視之乃蛇頭骨因瘡毀鼻如劍焉

志怪錄文獻公誕時一蛇自屋墜于前舉頭張喙入之方去

錄異記乾符中神仙驛有巨蛇黑色高三十餘丈諸小蛇如椽如柱如十石五石甕者數百頭隨之自東向西羣隊行旅自辰時已前見之至酉時方盡不知其長幾里也將盡有一小兒執紅旗立於蛇尾之上跳躍鼓舞而過是歲山南節度使楊守亮敗

唐書五行志光啓二年冬鄜州洛交有蛇見於縣署復見於州署蛇冬則蟄易曰龍蛇之蟄以存身也北夢瑣言唐荊州節度使成令公洎領蔡州軍戍江陵爲節度時張瓚謀害之遂棄本都部奔於秭歸一夜爲巨蛇繞身幾至於殞乃曰苟有所負死生唯命遂巡蛇亦亡去邇後招緝戶口訓練士卒沿流而鎮渚官尋授節旄撫綏凋殘勵精爲理初年居民唯一

十七家末年至萬戶勸王奉國通商務農有足稱焉唐書五行志乾寧末陝州有蛇鼠鬪于南門之內蛇死而鼠亡去

廣異記海州人以射獵爲事會于東海山中射鹿忽見一蛇黑色大如連山長近十丈兩目成日自海而上人見蛇驚懼知不免死因伏念佛至人所以口銜人及其弓矢渡海而去遙至一山置人于高巖之上俄而復有一蛇自南來至山所狀類先蛇而大倍之兩蛇相與鬪于山下初以身相繞纏久之口相噬射士知其求已助乃傳藥矢欲射之大蛇先患一目人乃復射其目數矢果中之大蛇遂死倒地地上首尾俱碎小蛇乃銜大貝珠瑟瑟等數斗送人歸至本所紀聞殿中侍御史杜暉嘗使嶺外至康州驛騎曹上白曰請避毒物于是見大蛇截道南出長數丈元武後追之道南有大松樹蛇昇高枝盤繞垂頭下視元武元武自樹下仰其鼻鼻中出兩道碧煙直衝蛇頭蛇遂裂而死墜于樹下

廣州市有人籠盛兩頭蛇集人衆中言汝識二首蛇乎汝見二首蛇則其首並出吾今異于是首尾各一頭欲見之乎市人請見之乃出其蛇蛇長二尺頭在首尾市人伶者長以弄蛇爲業每執諸蛇不避毒害見兩頭蛇則以手執之蛇螫其手伶者言痛乘蛇于地加藥焉不愈其囓處腫遂浸淫俄而遍身伶者死身遂洪大其骨肉皆化爲水如貯水囊有頃水潰遂化盡人與兩頭蛇失所在武陵記武山高可萬仞山半有斑蛇四眼身大十圍唐書地理志淮南道揚州廣陵郡土貢蛇

斬州斬春郡土貢白花蛇烏蛇

江南道蘇州吳郡土貢蛇

嶺南道廣州南海郡土貢蛇蛇膽

循州海豐郡土貢蛇蛇膽

潮州潮陽郡土貢蛇蛇膽

高州高涼郡土貢蛇蛇膽

柳州龍城郡土貢蛇蛇膽

安南土貢蛇蛇膽

峯州承化郡土貢蛇蛇膽

玉堂閒話梁貞明中朱漢賓鎮安祿之初忽一日曙色纔辨有大蛇見於城之西南首枕大城尾拖於壕南岸土地廟中其魁可大如五斗器雙目如電呀巨吻以瞰於城其身不翅百尺粗可數圍踰於羊馬之堞兼壕池之上其餘尚蟠於廟垣之內有宿城軍校卒然遇之大呼一聲失魂而逝一州洵懼莫知其由來年淮寇非時而至圍城攻討數日不破而返豈神祇之先告歟

太平廣記太原屬邑有水清池本府祈禱雨澤及投龍之所也後唐莊宗末過河南獵射每捕獵就池卓帳爲憩宿之所忽見巨蛇數頭自洞穴中出皆入池中良久有一蛇紅白色遙見可圍四尺以來其長稱是獵卒齊聲弩連發射之而斃四山火光池中魚鼈咸死浮在水上獵夫輩共剖割食之其肉甚美莊宗尋知之于時諱事者以爲蛇梁之兆有五臺僧曰吾王宜速過河決戰將來梁祚其能久乎此亦斷白蛇之類也梓潼縣張蠶子神乃五丁拔蛇之所也或云雋州張

生所養之蛇因而祠時人謂爲張聖子其神甚靈僞蜀王建世子名元膺聰明博達騎射絕倫牙齒常露多以袖掩口左右不敢仰視蛇眼而黑色兒惡鄙褻通夜不寐竟以作逆伏誅就誅之夕梓潼廟祝巫爲蜚子所責言我久在川今始方歸何以致廟宇荒穢如是耶由是蜀人乃知元膺爲廟蛇之精矣

恆州井陘縣豐隆山西北長谷中有毒蛇據之能傷人里民莫敢至其所採藥人斬四翁入北山忽聞風雨聲乃上一孤石望之見一條白蛇從東而來可長三丈急上一樹蟠在西南枝上垂頭而歎須臾有一物如盤許大似蝦蟆色如煙熏褐土色四足而跳至蛇蟠樹下仰視蛇垂頭而死自是蛇妖不作前澧州有鵝鳩雛爲蛇所吞有物如蝦蟆吐白氣直衝墜而致死得非新老所見之物乎凡毒物必有能制者殆天意也

北夢瑣言鮮于仲通兄弟閬州新井縣人崛起俱登將壇望氣者以其祖先墳上有異氣降勅塹斷之裔孫有鮮于嶽者幼年寢處席底有一蛇蓋新出卵者家人見之以爲奇事及壯常有自負之色歷官終於普州安嶽縣令不免風塵其徒戲之曰鮮于蛇也幸蜀記咸康六年五月不雨至九月林木皆枯赤地千里肥遺見王氏開國記以肥遺爲鬼唐英按肥遺蛇名角上有火見則大旱非鬼也

王氏見聞後唐少帝朝清泰王起於岐陽朝廷詔西京留守王思同統禁旅征之王師西出之後尋聞劇壘雍京僚屬日登西樓望其捷書忽一日官僂凭檻西向見羊馬城上有二大蛇東西以首相向爲從者

輩遙擲彈丸以警之於時一人擲中東蛇之腦蜿蜒然墮於牆下挺然不動使人視之已卒矣其西蛇徐徐入於穴隙之間識者竊議之曰潞王乙巳生統帥王公亦乙巳生俱爲蛇相今東蛇中腦而卒豈非王師不利乎未逾旬日羣師叛歸潞王思同腹心都將王彥暉已下並投岐城納款思同單馬而逃竟沒於王事焉蛇亡之兆得不明乎

十國春秋吳王稔傳稔一日坐聽事與客語忽有小赤蛇自尾墜地向稔而蟠稔令以器覆之良久發視惟一蝙蝠飛去是年稔加同平章事咸以爲其應也太平御覽晉高祖卽位之前一年歲在乙未鄴西李固橋下鼠與蛇鬪鬪及日之中蛇不勝而死行人觀者志之後唐果滅於申

稽神錄舒州有人入灊山見大蛇擊殺之視之有足甚以爲異因負之而出將以示人遇縣吏數人於路因告之曰我殺此蛇而有四足吏皆不見曰爾何在曰在爾前何故不見卽棄蛇於地乃見之於是負此蛇者皆不見人以爲怪乃棄之案此蛇生不能自隱其形死乃能隱人之形此理有不可窮者

安陸人姓毛善食毒蛇以酒吞之嘗遊齊魯遂至豫章恆弄蛇於市以乞丐爲生積十年餘有賣薪者自鄱陽來宿黃培山下夢老父云爲我寄一蛇與江西弄蛇毛生也乃至豫章觀步門賣薪將盡有一蛇蒼白色盤於船舷觸之不動薪者方省向夢即攜之至市訪得毛生因以與之毛始欲展撥應手嚙其指毛失聲顛仆遂卒食久卽腐爛蛇亦不知所往
僞吳兵部尚書賈潭言其所知爲嶺南節度使復一

橘其大如升將表獻之監軍中使以爲非常物不可輕進因取針微刺其蒂下乃有蠕蠕而動者因破之中有小赤蛇長數寸

太平廣記連州見一柑樹四月中有子如拳大剖之有兩頭蛇

僞吳壽州節度使姚景爲兒時事濠州節度使劉金給使廐中金嘗卒行至內見景方寢有二小赤蛇戲於景面出入兩鼻中良久景瘡蛇乃不見金由是驟加寵擢妻之以女卒至大官

孔帖五代王處直初有黃蛇見於牌樓王處直以爲龍藏而祠之定人皆知其不祥曰蛇穴山澤而處人室失其所居之象也已而處直果被廢死

錄異記南海中有山高數十里周圍百里每年夏月有巨蛇繳山三四匝飲海水如此爲常一旦飲海水之次有大魚自海中來吞此蛇天地晦冥久之不復見

邗縣有民於南郭渠邊得一小蛇長尺餘剝剔五藏盤而申置於烟火之上焙之數日民家孩子數歲忽遍身腫赤皮膚炮破呻吟痛楚異常因自語曰汝家無狀殺我剝剔腸胃置於火上且令汝兒知此痛苦民家聞之驚異取蛇拔去刻竹以水洒之焚香祈謝送於舊所良久蜿蜒而去民家兒亦愈焉

太平廣記景煥爲壁州白石縣令行陟巴嶺峻險萬仞約七八程達玉女廟或有巨蛇橫互其前徑可七八尺鱗甲不啻開扇許大頭尾垂在山下唯聞折木震響山谷童僕輩盡股慄驚駭莫能前進於是且駐山穴因登高望之竟日方見其尾欲謂之龍龍之行

動必有風雨隨之其日晴明方見是蛇也因知吞舟之魚翳天之鳥蟲禽之絕大者信有之焉

南唐近事諫議大夫張義方命道士陳友者合還丹

於牛頭山頻年未就會義方遺疾將卒恨不成九轉之功一旦命子弟發丹竈竈下有巨虺火吻錦鱗蛇

變其間若為神物護持乃取丹自餌一粒瘡瘡而終

當時識者以為氣未盡服之陰者不壽也

遼史蕭蒲奴傳蒲奴字留隱奚王楚不寧之後幼孤

貧備於醫家牧牛傷人稼數遭笞辱醫者常見蒲奴

熱寐有蛇遶身異之教以讀書聰敏嗜學不數年涉

獵經史習騎射既冠意氣豪邁開奉間選充護衛稍

進用俄坐罪黥流烏古部久之召還累任劇遷奚六

部大王

茅亭客語開寶五年壬申歲秋八月初成都大雨岷

江暴漲水康軍大堰將壞水入府江知軍薛舍人文

寶與百姓憂惶但見驚波怒濤聲如雷吼高十丈已

來中流有一巨材隨駭浪而下近而觀之乃一大蛇

耳舉頭橫身截於堰上至其夜聞堰上呼噪之聲列

炬縱橫雖大風暴雨火影不滅平旦廣濟王李公祠

內旗幟皆濡濕堰上惟見一面沙堤堰水入新津江

口時嘉眉州漂溺至甚而府江不溢

宋史黨進傳進太平興國二年出為忠武軍節度在

鎮歲餘一日自外歸有大蛇臥榻上寢衣中進怒烹

食之遇疾卒

茅亭客語陵州籍縣鹿水溪村民康化者雍熙乙酉

歲秋有牧童晚歸值雨見溪中有大蛇引小蛇蟠蛇

屈曲於泥中自大至小曳泥上岸入一穴內至末者

曳泥窒其穴口並無蹤由其童驚駭目瞪口禁不能言至前春啓蟄時方稍語得父母問其不語之由方說溪中所見之物矣

淳化癸巳歲冬十月青城山民往趙公山採薪遇數

苗薯蕷頗大如常者村人度其下必大有薯蕷遂與

妻子同掘之深三尺餘但見根鬚抱一大瓷合遂揭

開視之有一大赤蛇如爛錦盤結合內村人悸慄以

鋤觸之蛇乃翻然化一雉飛入溪水中合內惟餘一

隻石簪村人持歸山舍其夜一室如晝村人轉懼此

物異常送與莊主明年值順賊作亂不知替所存

宋史孝義傳侯義應天府楚丘人貧無產傭田以事

母里人有葬其親而遽返者義母過其家泣謂義曰

我死其若是乎義乃感激自誓而不欲言但慰其母

曰勿悲義必不爾咸平中母卒義力自辦葬不掩墳

壙畫則負土築墳夜則慟哭柩側妻子困匱不給田

主曹氏哀憐之資以餼糧踰年墳間瓜異蒂木連理

又有巨蛇遶其側不暴物

宋史五行志大中祥符二年八月青蛇出無為軍廨

長數尺

後山談叢王沂公之先為農與其徒入山林以酒行

既飲先後至失酒顧草間有醉蛇倒而將之得酒與

血怒而飲焉昏倒臥明日方醒視背傍積蝨成堆

自是無蝨終身

宋史孔道輔傳道輔幼端重舉進士第為軍州軍事

推官數與州將爭事有蛇出天慶觀真武殿中一郡

以為神州將帥官屬往奠拜之欲上其事道輔徑前

以笏擊蛇碎其首觀者初驚後莫不嘆服

魚周詢傳周詢開封雍丘人早孤好學舉進士中第

嘗知安州歷右諫議大夫知成德軍在安州時圍吏

見大蛇垂閣稍即視之乃周詢醉而假寐世傳其異

夷堅志斬州境有蛇洞在斬州口鎮側蓋白花蛇所

聚今不復有矣土人採捕乃出羅田山谷中施少路

溫舒自信陽守解印造朝舟抵斬口詣近處龍峰寺

遊觀距蛇洞不遠詢於寺僧皆言徒有其名耳因信

步到方丈復躡石級百層得一堂方疊足坐憩傍人

驚曰一巨蛇正蟠屈於下相與持挺擊逐施遽下榻

蛇徑入山見者無不汗駭此蛇之毒甚於虺或為所

傷急須剗去肉少緩則遍體盡生白紋方花如其形

不踰時必死施到闕除斬春守蓋且將為地主故山

川之靈陰相之特令此物出異以示眾

續明道雜志楊國寶學士榮陽人頗以文行著稱元

祐中任開封府推官一家大小十餘口死幾盡國寶

最後亦卒先是國寶有妹孀依其兄以居妹有庖婢

一日忽如病心在語終日不休語頗凶恠或取土為

丘墳狀守之而哭人以為不祥勸楊逐之楊不聽時

某與楊同館供職時楊方喪一女一日謂余曰余夜

夢一蛇首有冠素聞蛇身而冠謂之喪門大不祥

心知楊之禍未已也不欲言之已而果然

廣東通志紹聖初黨禍起劉安世器之尤為章惇蔡

卞所忌遠謫嶺外盛夏奉老母以行逢人皆憐之器

之不屈也一日行山中扶其母籃舁憩樹下有蛇

冉冉而至草木皆披靡擔夫驚走器之不動也蛇若

相向者久之乃去村民羅拜曰公異人也蛇乃此山

之神見公喜相迎耳

鄰幾雜誌北虜水實羊腸文州羌取蛇船首繞頭上治傷熱

東齋記事蔡君謨知福州以疾不視事者累日每夜中即夢登鼓角樓憑鼓而睡通判有怪鼓角將累日不打三更者因對數夜有大蛇盤據鼓上不敢近君謨既愈與通判言所夢正與鼓角將所說同人遂以爲蛇精

東臯雜誌錄東坡元豐間繫御史獄謫黃州元祐初起知登州未幾以禮部員外郎召道中遇當時獄官甚有慚色東坡戲之曰有蛇螫殺人爲冥官所追議法當死蛇前訴曰誠有罪然亦有功可以自贖冥官曰何功也蛇曰某有黃可治病所活已數人矣吏收驗果不誣遂免良久索一牛至獄吏曰此牛觸殺人亦當死牛曰我亦有黃可治病亦數人矣良久亦得死久之獄吏引入至曰此人生常殺人幸免死今當還命其人倉皇妄言亦有黃冥官大怒詰之曰蛇黃牛黃皆入葉天下所共知汝爲人何黃之有左右交訊其人窘甚曰某別無黃但有些慚惶

陝西通志宋時同州有白蛇爲害知者皆不敢出守政和間有宰相壻某必欲得之到官三日張樂會僚忽視媚皆衣白帷而問之家人知中妖騎報相君曰徵宗詔虛靜張天師來治問得蛇所擇日去穴三里結高壇作法飛符良久風雲勃興雷電四起青氛黑霧蔽滿山谷俄白氣滄於天際火從穴發漸及壇畔有大蛇至矯首引身繞下四五匝遂飛劍殺之已又斬如柱極者二十許餘以待驅之境外春渚紀聞謝石潤夫成都人宣和間至京師以相字

言人禍福有朝士其室懷姙過月手書一也字令其夫持問石石曰是必十三箇月也以也字中有十字併兩傍一豎下一畫爲十三也石熟視朝士曰有一事似涉奇怪因欲不言則吾官人所問正決此事可盡言否朝士因請其說石曰也字著蟲爲蛇字今尊閣所姙始蛇妖也然不見蟲蟲則不能爲害謝石亦有薄術可爲吾官人以藥下驗之無苦也朝士大異其說因請至家以藥投之果百數小蛇而體平都人益共神之而不知其竟挾何術也

寓簡宣和間蔡州有一士人家書室中忽然見小蛇文章陸離蜿蜒几格間見人不驚畏不敢傷也每日惟已時則見至午乃隱去日日如此士人異之因伺其至則捕之置鐵絲籃中逮午視之則堅冷化爲石矣其質巧妙天成雖良工不能加也明日已時則復蠕動既又復爲石而屈伸盤結之狀日日不同士人寶蓄持至京師見中官梁師成梁欺曰此神物造化之所寓也禁中有玉鼠玉兔以其時見則其物也士遂獻之

宋史五行志宣和四年北方用兵雄州地大震元武見於州之正寢有龜大如錢蛇若珠漆筋相逐而行宣撫使焚香再拜以銀奩貯二物俄俱死續明道雜誌田京待制將取幘頭戴之有蛇出幘頭下或言蛇戴幘頭喪門也不數日京死黃州倉有大蛇其尾之圍猶如人股倉連州宅圍蛇時往來人或見之宋史五行志紹興初行都柴梁橋精忠廟三蛇出沒庭廡大者盈尺方鱗金色首脊有金錢週轉或變化

數百於蕉卉間廟徙而蛇孽亦絕

東堅志文安公小隱園在妙淨寺其西偏地僻久不平治蔓莽極目紹興五年七月中有二犬共擒一蛇大如柱其長五六尺未幾二犬俱斃蛇體黑花方紋間之遍體生毛茸茸然名爲鐵甲五步蓋蝮類也宜黃丞廳與縣治相連有大蛇長二丈鱗甲青黑行地有聲父老傳言每出遊一廳則主人必罹禍咎紹興庚辰春出於丞舍後東牆蓮池側隱半身牆內尾垂於池丞視君適以亭午到池上見之呼乞子能捕者穴牆取之蛇蟠屈不動命數捷力昇至郭外過百丈橋數里縱之莽中意其已遠不能復至矣次日視仍以午到昨處則蛇乃在元穴欲殺之而吏士皆不敢承命曰此禍至大寧受杖責不得已但令昇去如是者至於四五迨祝死乃絕不見宋史五行志紹興十一年四月衡山縣淨居巖有蛇長二丈身圍數尺黑色而方文震死山水大至先是山氣遇夜輒昏昧蛇斃始明夷堅志武功大夫成俊建康屯駐中軍偏校善禁呪九工治蛇紹興二十三年本軍於南門外四望亭晚校有蛇自竹叢出其長三丈面大如杵生四足遍身有毛作聲如豬行趨甚疾爲逐人吞噬之勢衆皆驚擾不知所爲適有馬槽在側急取覆之而白統制官遣呼俊俊至已能言其狀且云是名豬豚蛇齧人立死即步置布氣禁之少頃令啓槽則已僵縮不能動再覆之仰吸日光三吹槽上及啓視化爲凝血矣排轡山有黑蟒色深青長可二丈積爲人害居民共邀後施術俊曰在吾法不宜率爾盡具狀以來既得

狀書章奏天詰且詣穴口爲壇被髮跣足衣道士服向空叱神將曰速斯須蛇不出繼遣兩將如是者三四反蛇猛從穴內奮迅奔壇若將欲鬪者倭大聲呼之取所著汗衫中分裂其裾蛇劈爲兩此患遂息民家小兒因行草際遭螫痛徹心腑幾於不救倭往療之問兒曰汝誤蹈踐之以致齧耶將自行其傍而然耶曰初未嘗觸之不覺咬我倭曰我亦久知之此無故傷人命不可恕乃除地丈許插小竹片爲劍作法呼蛇至者如積詰之曰作過者雷劍下否則退羣蛇以次相引而去各適所在獨一小蛇色如土伏劍傍倭召判官檢法曰蛇無故傷人當何罪兄家聚觀者皆莫見久之又曰依法蛇自以首觸劍死焉倭之技如此而無所求於人醫士劉大用欲學其術倭曰此非所靳但慮持之不謹或干犯法律將自貽禍乃止聞見後錄劉法欲生其母幃帳忽若墜壓而下視之上有大蛇蜿蜒若被痛楚狀母怖甚避之他所法生再視之但蛇蛻耳後法爲將有賢稱

近神湘守欽州壞客館爲東園警夜兵共見大蛇自客館出穿西樓而去樓下臨大江度其地約長十數丈明求之於館之寢有穴方廣尺寸許發之其蟠屈之迹大一間屋土色光膩如新泥飾者豈異物亦避暴役穿穴以去邪不數日湘死

清波雜志輝平生四汎大江備嘗艱險其載生死係於沈浮之間每過龍祠薰爐瀝觴惟謹無屋宇但植一竿亦致冥幣於中流至小孤山謁廟見幡脚及花瓶中小青蛇盤結舉首蜿蜒者甚衆祝者云神今日在廟歆享而然

夢溪筆談太子中允關杞曾提舉廣南西路常平倉行部邕管一吏人爲蟲所毒舉身潰爛有一醫言能治呼使視之曰此爲天蛇所螫疾已深不可爲也乃以藥傳其創有腫起處以針拔之有物如蛇凡取十餘條而疾不起又予家祖塋在錢塘西溪嘗有一田家忽病癩遍身潰爛號呼欲絕西溪寺僧識之曰此天蛇毒耳非癩也取木皮煮飲一盃許令其恣飲初日疾減半兩三日頓愈驗其木乃今之秦皮也然不知天蛇何物或云草間黃花蜘蛛是也人遭其螫仍爲露水所濡乃成此疾露涉者亦當戒也天蛇其大如筋而匾長三四尺色黃赤多生於幽陰之地遇驟雨後則出越人深畏之以醋澆之則消或以石灰摻之亦縮死

墨客揮犀淵材嘗從郭太尉游園囿曰吾比傳禁蛇方甚妙但呪語耳而蛇聽約束如使稚子俄有蛇甚猛太尉呼曰淵材可施其術蛇舉首來奔淵材無所施其術及走汗流脫其冠巾曰此太尉宅神不可禁也太尉爲之一笑

余伯祖嘗於野外見蜈蚣逐一大蛇甚急蛇奔過一溪蜈蚣亦隨之蛇知力屈不免乃回身張口向之蜈蚣遽入其口俄頃蛇死乃穴其腹傍而出拆蛇視之已無腸矣傳言蜈蚣甘帶蜈蚣即蜈蚣之別名

春渚紀聞滄州泥姑寨循塘澤而至界河與北寨相望自乾寧軍穿澤而往止一徑每春初啓蟄時塘路群蛇橫道通送者甚苦之寨卒有蕭志者爲人性率同儕多狎侮之一日當送檄文至郡而有大蛇枕道其首如甕兩目煜然可畏也既不致前即醉宿旁鋪

鋪卒夜以利刃殺蛇而舖之至滿數缶蕭醉醒聞肉香甚問安所從得舖卒給云夜漁於海得大魚方將共羹而食也蕭不待羹取數餅就火燎食之甚美自郡回因求其餘歸食數日而盡不知其爲蛇也食蛇之後更不喜聞食氣但覺背脊間腫痒至不可忍時就樹指痒瘡破中湧細蟲不知其數時郡卒陸靖者適居寨中與之助取餘蝨計前後出蝨數斗痒止瘡復因憩樹陰見澤中鶴雛羣戲念欲取之即身在鶴爪攪難而歸復視鶴巢又念可登而取即身已在樹杪矣寨卒視之率皆驚異以謂此人偶食成器之物盡出尸蟲而輕身自如得地仙矣因逃兵籍而去

臨安僧法堅言有歛客經於潛山中見一蛇其腹漲甚蜿蜒草中徐遇一草便嚼破以腹就磨頃之漲消如故蛇去客念此草必消漲毒之藥取置篋中夜宿旅邸鄰房有過人方呻吟牀第間客就訊之云正爲腹漲所苦即取藥就釜煎一盃湯飲之頃之不復聞聲意謂良已至曉但聞鄰房滴水聲呼其人不復應即起燭燈視之則其人血肉俱化爲水獨遺骸臥牀急挈裝而逃

括異志李舟之弟患風或云蛇酒治風乃求黑蛇生置甕中醺以麴藥數日蛇聲不絕及熟香氣酷烈引滿而飲斯須之間化爲水惟毛髮存焉

泊宅編王捷燒金先用毒蛇不計多少煞埋庭中澆以米泔令生菌因取合藥後造宅築基得一蛇頭如人形捷不久卒

夷堅志鄂州總領司故州治也後福城城有園園有大蛇長數丈許乾道中韓總管者欲於東北隅建楚

望亭而築基不成至於數圮或言此處蛇所穴儻爲立祠當可就韓如其說作小廟於數十步間基即成蛇往來東西或如敎場大井內或從府倉氣樓中垂頭下食米嘗蛇皮於竹林裏一兵得之貯以布囊時時出示人蛇廣長如其身左肋下有一足郡民楊八賃城下壕種菱茨就壩地縛葦舍母子處之以察盜摘者夏夜過半聞聲母以爲賊也出視之見蛇在女牆上而頭在壕中昂起睨母母駭叫楊生至僅能舉手指示即仆地死楊懼舍之去已而蛇不復出人疑其入大江云

宋史胡穎傳穎以樞密都承旨爲廣東經略安撫使潮州僧寺有大蛇能驚動人前後仕於潮者皆信奉之前守去州人心疑焉以爲未嘗詣也已而旱咸咎守不敬蛇神故至此後守不得已詣焉已而蛇蜿蜒而出守大驚得疾旋卒穎至廣州聞其事檄潮州令僧昇蛇至至則其大如柱而黑色載以闌檻穎令之日爾有神靈當三日見變怪過三日則汝無神矣既及期蠢然猶衆蛇耳遂殺之毀其寺并罪僧移節廣西

癸辛雜識趙暨守衢日所任都吏徐信興建佑聖觀斂民財甚夥未幾詹寇作信以致寇抵罪而死然民之詣祠如故時太守不復往趙孟奎春谷始至以典祀亦往致敬已而得堂帖從前守陳蒙所申命加毀拆民投牒求免而主祀祠黃冠遇大蛇於道謂神所憑率民以禱曰果神也盍詣郡遂以蛇至俸廳以白郡趙曰此妖也以黃冠爲惑衆械繫於獄繼取蛇貯以大缶加封閉焉三日獄成黃冠坐編置而戮蛇於

市人咸壯之

太廟前有戴生者善捕蛇凡有異蛇必使捕之至於赤手拾取如鯀鱔然或爲毒蝮所囓一指腫脹如橡旋於箴中取少藥搽之即化黃水流出平復如初然十指所存亦僅四耳或欲捕之蛇藏匿不可尋則以小葦管吹之其蛇則隨呼而至此爲尤異其家所畜異蛇凡數十種鋸齒毛身白質赤章或連錢或紺碧或四足或兩首或僅如稱衡而首大數倍謂之飯掀頭云此種最毒其一大者如殿檻長數尺呼之爲蛇王各隨小大以銜盤貯之日啖以肉每呼之使之旋轉升降皆能如意其家衣食頗贍無他生產凡所資命惟視吾蛇尚存耳亦可彷彿紫龍之技矣

慈惠全夫人之生也其父全翁大節忽門外有大蛇蟠繞一大樹間細而視之則其蛇有兩小角方以爲異將入呼兒姪輩逐之則報以得女而蛇不復見矣羅湖野錄大覺禪師昔居渤潭燕坐室中見金蛇從地而出須臾隱去聞者讀爲吉徵未幾自廬山圓通赴詔住東都淨因

輟耕錄趙生者宋宗室子也家苦貧居閩之深山業薪以自給一日伐木溪澗忽見一巨蛇章質盡白昂首吐舌若將噬已生棄斧斤奔避得脫委問其故具以言因竊念曰白鼠白蛇豈寶物變幻耶即拉夫同往蛇尚宿雷未去見其夫婦來回首迴流而上尾之行數百步則入一巖穴中就啓之得石石陰刻押字與歲月姓名乃黃巢手瘞治爲九穴中穴置金甲餘八穴金銀無算生捨取時零仍舊掩蓋自是家用日饒不復事薪鄰家疑其爲盜告其姊之夫嘗爲吏者

吏詢之嚴不敢隱隨餽白金五錠吏貪求無厭訟之官生不獲已主一巨室悉以九穴奉巨室廣行賄賂有司莫能問迨帥府特委福州路一官往廉之巨室私獻金甲因回申云具問本根所以實不曾掘發寶藏其事遂絕路官得金甲珍襲甚至任滿他適其妻徙置榻下一夕聞繞榻風雨聲頃刻而止頗怪之夫歸共取視鑄鑄如故啓龍乃無有也生無子夫婦終老巨室

元史何寔傳寔字誠卿其先北京人曾祖搏霄雄於貲好施與鄉里以善人稱祖鼎敬父道忠仕金爲北京留守寔少孤依叔父居氣節不凡家人常入臥內見一青蛇蜿蜒衣被中駭而視之乃寔也

張起巖傳父範生起巖初其母丘氏有娠見長蛇數丈入榻下已忽不見乃驚而誕起巖

真臘風土記其國主寢室有金塔二座國主夜則臥其上土人皆謂塔之中有九頭蛇精乃一國之土地主也係女身每夜則見國主則先與之同寢交媾雖其妻亦不敢入二鼓乃出方可與妻妾同睡若此精一夜不見則番王死期至矣若番王一夜不往則必獲災禍

瀛涯勝覽祖法兒國蛇有單峯有雙峯者人以騎坐肉以市鬻

西樵野記京師西山寺有二青蛇大者長五丈二三小者長四丈五六如人至僧乃呼蛇以酒肉飼之二蛇輒引喙出入無憚人或遠蛇身旋轉一過謂之不絕人身故謂之蛇菩薩

山西通志嘉靖辛酉長子有城役之磚兵憲某令發

古豕取磚發一豕及隧皆琉璃金碧龍鳳之文有巨蛇守之赤色目閃閃如電吐氣繚繞如煙觸之者立仆懼不敢近乃止

青州府志樂安城西廢井有毒蛇氣所中輒殺人忽或時出道上遺犬豕食之市里驚奔以爲神蕭信公至郡蛇不敢出公滿秩去裁三日復出爲患民迫公不可返得其衣履爲位設而拜之蛇復不敢出衆乃持弓矛往塞其井覆以大石封土其上就其傍立公祠祀之

濟南府志張子弘祚蜚語及上臺顏中丞執而訊之辭連陳茂才洪祐陳故名家子遭時落魄又木強不能辯乃擬陳大辟張反得城旦一日候鞠中丞門樓上忽降一蛇纏張頸萬衆圍然中丞廉得其情乃坐張子法而釋陳生